

在福州連江縣屬謝真人治之

第七十二東海山

在海州東二十五里屬王真人治之

雲笈七籤卷之二十七

雲笈七籤卷之二十八

卷八

此對本經中卷之二十七至卷之二十八

二十八治

二十四治并序

謹按張天師二十四治圖云太上以漢安二年正月七日中時下二十四治上八治中八治下八治應天二十四氣合二十八宿付天師張道陵奉行布化張天師沛國豐縣人也諱道陵字輔漢稟性嚴直經明行修學道有方永平二年漢帝詔書就拜巴郡江州令以延和元年三月十日辛丑詔書拜為司空封食羹縣侯以芝草圖經歷神仙為事任採延年藥餌金液丹以漢安元年丁丑詔書遷改不拜遂解官入益州郡界以其年於蜀郡臨邛縣梁亭山赤石城中靜思精至五月一日夜半時有千乘萬騎來下至赤石城前金車羽蓋步從龍虎鬼兵不可稱數有五人一人自言吾是周時柱下史也一人自言吾是新出太上老君也一人云吾是太上高皇帝中黃真君也一人言吾是漢師張良子房也一

人言吾是佐漢子淵天師外祖也子骨法合

道當承老君忠臣之後今授子鬼號傳世子

孫為國師撫民無期於是道陵方親受太上

質勅當步綱躡紀統承三天佐國扶命養育

群生整理鬼氣傳為國師依其度數開立二

十四治十九靜慮授以正一盟威之道伐誅

邪偽與天下萬神分付為盟悉承正一之道

也

上皇元年七月七日無上大道老君所立上

品治八品訣要掌中伏虧造天地五龍布山

嶽老君立位治以用化流愚俗學者不得貪

競欲仙道克成可傳之與質朴也

第一陽平治

治在蜀郡彭州九隴縣去成都一百八十

里道由羅江水兩岐山口入水路四十里

治道東有龍門拒守神水二栢生其上西

南有大泉決水歸東治應角宿貴人發之

治王始終嗣師天師子也諱衡字靈真為

人廣智志節高亮隱習仙業漢孝靈帝徵

為郎中不就以光和二年正月十五日已

已於山昇仙立治碑一雙在門名曰嗣師治也

陽平謫仙妻不知其姓名九隴居人張守珪家甚富有茶園在陽平化仙居內每歲召採茶人力百餘輩男女傭工雜之園中有一少年賃為摘茶自言無親族性甚了慧懇辱守珪憐之以為義兒又一女子二十餘亦無親族願為義兒之婦孝義端恪守珪甚善之一旦山水泛溢市井路絕鹽酪既闕守珪甚憂新婦曰此可買耳取錢出門十數步置錢樹下以杖扣樹得鹽酪而歸後或有所要但令扣樹取之無不得者其夫術亦如此因與隣婦十數人於棚口市相遇為買酒一椀與眾婦飲之皆醉而枕中酒不減遠近傳說人皆異之守珪請問其術受於何人少年曰我陽平洞中仙人耳因有小過謫於人間不久當去守珪曰洞府大小與人間城闕相類否答曰二十四化各有一大洞或方千里五百三百里其中皆有日月飛精謂之伏神之根

下照洞中與世間無異其中皆有仙王仙官仙卿輔相佐之如世之職司有得道之人及積功遷神反生之者皆居其中以為民庶每年三元大節諸天有上真下遊洞天以觀其所理善惡人世死生與廢水旱風雨預關於洞中焉其龍神祠廟血食之司皆為洞府所統也二十四化之外其青城峨嵋益登慈母黎陽嶠家亦各有洞天不在十大洞天三十六小洞天之數洞之仙曹如人間郡縣聚落耳不可一一詳記之也旬日之間忽然夫婦俱去

右陽平治山山中有主簿治嗣師治係師治

第二鹿堂山治

治在漢州綿竹縣界北鄉去成都三百里上有仙室仙臺古人度世之處昔永壽元年太上老君將張天師於此治上與四鎮太歲大將軍川廟百鬼共折石為要皆從正一盟威之道山有松栢五龍仙穴能通船渡持火入穴三日不盡治應元宿號長

發之治王八十年

第三鶴鳴神山上治

治在其上山與青城天國山相連去成都二百里在蜀郡臨邛縣界徑道三百里世人不知之馬底子何丹陽得道處治前三水共成一帶神龍居之有四金釘二石金銀蠶三斛亦言尹喜主之治應底宿賤人發之治王六十年神仙傳云張天師遇中國紛亂乃入蜀鶴鳴山學道也

第四瀉沅山治

治在彭州九隴縣界與鹿堂山治相連其間八十里去成都二百五十里有果松神草服之升仙又有四龍起騎之門范蠡主之治應房宿庶人發之治王二十年

第五葛瑣山治

治在彭州九隴縣界與瀉沅山相連去成都縣二百三十里去陽平治水口四十八里昔賢於此得道上有松栗山高六百丈治應心宿道人發之治王九十年南康王太尉中書令韋公暉為成都尹相國張公

之愛婿而量深器大舉止簡傲不狎於俗
 張公奕世相家德望清貴舉族皆輕侮於
 章以此見薄亦未之悟也忽夢二神人謂
 之曰天下諸化領世人名籍吾子名係萬
 瑣祿食全蜀富貴將及何自滯耶勉為行
 矣異日當富貴無以萬瑣為念也由是章
 有子祿之志謀於其室家復勉勵之以壯
 數數十萬金資其行計既達秦川屬感饑
 久而因知友所聘署隴州軍事判官俄而
 駕出奉天郡守奔難行在事率土客甲士
 饋饒軍儲以申厄術以功就拜防禦使復
 請赴觀行朝德宗望而器之既平寇難大
 駕還京以功檢校右僕射鳳翔節度使
 權乞改西川乃授西川節度與張公文代
 高權師赴任張假道歸闕以避其鋒既而
 累年蜀境大穰金帛豐積兩院內附乞為
 臣妾威名益重而貢賦不虧朝廷倚注甚
 重憚仗由是請許南詔置習讀院入質子
 學生習詩書禮樂公文翰之美冠於一時
 南詔得其手筆刻石以榮其國而萬瑣之

事久已忘矣又夢二神人曰富貴而忘所
 因其何甚耶公夢覺流汗驚駭久之乃期
 詣靈林炷香禱福遂命工度木構日修崇
 作南宮飛閣四十間巨殿修廊重門連宇
 範食刻石如無不為火九龍相賦於山下
 阿叱輪貯饒糧山積匪石雲起自製碑刊
 于洞門之側上構層樓揀選僅七十人以
 供洒掃良田五百畝以贍齋儲在鎮二十
 餘年封至王爵矣即本命丁卯屬萬瑣化
 也

第六庚除治

山去平地三百九十丈在廣漢郡錦竹縣
 西去縣五里去成都二百八十里上常有
 仙人來往可以度毛養性普張力得道之
 處山有二石室三龍頭准水遠之治應尾

宿營道士發之治王始終

第七秦中治

主神仙在廣漢郡德陽縣東九里去成都
 二百里其山浮青嶽東於其上得仙前有
 大水東有道徑於漢洛治面有大石銅為

誌治應箕宿願人發之治王始終

第八真多治

山在懷安軍金堂縣去成都一百五十里
 山有芝草神藥得服之令人壽千歲山高
 二百八十丈前有池水水中神魚五頭昔

王方平於此與太上老君相見治應子宿
 女人發之治王七十年

無極元年十月五日真正無極太上立治中
 八品氣要訣在掌中

第一昌利治

山在懷安軍金堂縣東四十里去成都一
 百五十里昔蜀郡李八伯初學道處八伯
 唐公房之師也遊行蜀中諸名山常自出
 戲於成都市暮宿於青城山上故號為八
 伯也其山南有一石室容八十八人前三
 龍門為誌治應牛宿狂惑人發之治王五
 百年

第二隸上治山季子先生學道飛仙治在廣
 漢郡德陽縣東二十里山有二石室有一
 神并白鹿白鶴白鳩時來飲之有石在治

前與綿母治相連西有奇石溪上有三松
焉誌山去平地二十九百丈昔中山術士
辨於此得道治應女宿貧賤人發之治王
百年

第三涌泉山神治

昔廣漢馬明生學道得仙太上老君至此
化形住此治在邊寧郡小漢縣界上有泉
水治萬民病飲之無不差愈傳世為祝水
治去成都二百里有懸崖百丈近歸水猴
獠百馬來在其間治應虛宿野人發之治

王三十年其山小而高四向有遊道

第四稠稂治

在犍為郡新津縣去成都一百一十里汶
山江水經焉山高去平地一千七百丈昔
軒轅學道之處也治左右有連岡相續而
北有味江水山亦有芝草仙藥可養性命
治應危宿貴人發之治王五十年

第五壯平治

在屬州彭山縣去成都一百四十里山上
有池水縱廣二百步中有神芝藥草食之

與天相久昔越人王子喬得仙治應室宿
道師發之治王四十年一名研山治

第六本竹治

山在蜀州新津縣去成都一百二十五里
山高一千三百丈上有一水有香林在治
陌北有龍穴地通連峨嵋山上有松昔郭
子胥得道之處也後有林竹西去十五里
通橋焉山前水中常有神龍遊戲治應壁
宿龍門史人發之治王五百年

第七蒙秦治

山在越嵩郡臺登縣西去城二十里去成
都一千四百二十里治與越嵩郡隔河水
前有小山後有大山高一千丈昔伊尹於
此山學道上有芝英金液草服之得度世
後有漢中郡趙昇得道於此治應臺宿凡
人發之治王九十年

第八平蓋治

山在蜀州新津縣去成都八十里前山下
有玉人身長一丈三尺昔吳郡崔孝通於
此山學道得飛仙山西有大江南有長山

北有平川中有龍門治應婁宿陰人發之
治王千年

無上二年正月七日無為大道玄真立下八

品治氣要訣在掌中

第一雲臺山治

在巴西郡閬州蒼溪縣東二十里上山十
八里方得山足去成都一千三百七十里
張天師將弟子三百七十人住治上教化
二年白日升天其後一年天師夫人復升
天後三十年趙昇王長復得白日昇天治
前有巴西大高山有一樹桃三年一花五
年一實懸樹高七十丈下無底之谷唯趙
昇乃自擲取得桃子餘者無能取之治應
胃宿有人形師人發之治王五十年又云
雲臺治山中有玉女乘白鶴仙人乘白鹿
又有仙師來迎天師白日升天萬民盡見
之一云此天柱山也在雲臺治前有立碑
處

雲臺治中錄曰施存魯人夫子弟子學大
丹之道三百年十鍊不成唯得變化之術

後過張申為雲臺治官常懸一壺如五升
器大變化為天地中有日月如世間夜宿
其內自號壺天人謂曰壺公因之得道在
治中

第二瀘口治

山在漢中郡江陽縣去成都二千九百二
十里陳安世於此山上學道得仙安世京
兆人也漢中水過其前山一名平元山西
有長山東有流海帝王所住有青龍門治
應昂常俗人發之治王五百年

第三後城山治

在漢州什邡縣昔爰子然於此山上學仙
得道左有大水後有重山山有神芝服之
壽千歲一名黃陵山南有長山北有青龍
東有松栢為誌治應畢宿凡人發之治王
八十年

第四公慕治

在漢州什邡縣去治一百里昔蘇子於此
山學道得仙一名北逢仙山南有石坎北
有懸流水治應皆宿病人發之治王七十

年

第五平岡治

山在蜀州新津縣去成都一百里昔蜀郡
人李阿於此山學道得仙白日升天治應
參宿道士發之治王二十年北有三重曹

溪南有特山為誌

第六玉薄山治

在邛州蒲江縣界去成都一百五十里蜀
郡人王興於此學道得仙一名秋長山南
有石室玉堂松栢生其前治應并宿徹人
發之治王八十年

第七玉局治

在成都南門內以漢永壽元年正月七日
太上老君乘白鹿張天師乘白鶴來至此
坐局脚玉寐即名玉局治也治應鬼宿千
丈大人發之治王三世

第八北印山治

在東都洛陽縣梁水在治左務成丁於此
得道大黃出東宛泉南流治應柳宿仙聖
發之治王六十年

玄都律第十六云治者性命魂之所屬也五

嶽名山圖云陽平治屬金角星鹿堂治

金九星鶴鳴治木氏星治沅治土房星葛

瓊治火心星庚除治火尾星秦中治水箕

星真多治金斗星

右八治是上品並是後漢漢安元年太上

老君所立

昌利治土牛星隸上治火女星涌泉治木虛

星稠稷治火危星壯平治金星星本竹治

木壁星蒙秦治火奎星平蓋治土婁星

右八治是中品置如前云

雲臺治木胃星瀘口治木昂星後城治土畢

星公慕治金背星平岡治水參星主薄治

金井星玉局治水鬼星北印治土柳星

右八治是下品置如前云

岡底治水星白石治金張星鍾茂治水翼

星具山治土軫星地圖云此四治在京師

東北

右此四治是張天師所加充前二十四治

合成二十八治上應二十八宿

平公治屬水配湧泉治公慕治屬上配稠種

治天台治屬土配本竹治瀨鄉治屬金配

昌利治樽領治屬金配真臺治代元治屬

金配雲臺治和里治屬火配棘上治瀋沅

治屬金配昌利治

右是天師更加此八治以配八品周布四

海鎮國化人也

太真科下卷所說云第一別治有四者

第一具山治 第二鍾茂治 第三白石治

第四岡丘治

右四品在外名別治於內名備治備治足

二十八也則與三八別也

第二遊治有八者

第一吉陽治 第二平都治 第三河達治

第四慈母治 第五黃金治 第六太華治

第七青城治 五符經作青城山 第八峨嵋治

右八品是遊治也

第三配治有八者

第一代元治 第二樽領治 第三瀨鄉治

第四天台治 第五八慕治 第六平公治

第七利里治 第八瀋沅治

右八品是配治也

第四正治二十有四者

第一北邱治 第二玉局治 第三圭簿治

第四平岡治 第五公慕治 第六後城治

第七瀋口治 第八雲臺治

右是下品八治也

第一平蓋治 第二蒙秦治 第三本竹治

第四稠種治 第五北平治 第六湧泉治

第七隸上治 第八昌利治

右是中品八治也

第一真多治 第二秦中治 第三庚除治

第四葛瓊治 第五瀋沅治 第六鶴鳴治

第七鹿堂治 第八陽平治

右是上品八治也

第五星宿治二十有八名上治一名內治又

名大治又名正治是上皇元年七月七日無

上玄老太上大道君所立上中下品

二十八宿要訣

第一用宿上治無極虛无无形下治陽平山

第二元宿上治無極虛无自然下治鹿堂山

第三成宿上治無極虛无無為下治鶴鳴山

第四房宿上治虛白下治瀋沅山

第五心宿上治洞白下治葛瓊山

第六尾宿上治三一下治庚除山

第七箕宿上治三元下治秦中山

第八斗宿上治三五下治真多山

右八品無上治

第九牛宿上治九天下治昌利山

第十女宿上治五城下治隸上山

第十一虛宿上治元神下治湧泉山

第十二危宿上治丹田下治稠種山

第十三室宿上治常先下治北平山

第十四壁宿上治金梁下治本竹山

第十五奎宿上治六府下治蒙秦山

第十六婁宿上治太一君下治平蓋山

右中八品老治之

第十七胃宿上治五龍下治雲臺山

右中八品老治之

右中八品老治之

第十八昴宿上治隨天下治渣口山

第十九畢宿上治六丁下治復城山此二生治

第二十觜宿上治十二辰下治公墓山

第二十一參宿上治還身下治平岡山此二生治

生中

第二十二井宿上治拘神下治主簿山

第二十三鬼宿上治無形下治玉局山此非人所

生

第二十四柳宿上治慶元下治北印山此三

生未

○ 右下八品太上治之

太上漢安二年正月七日中時二十四治上

八中八下八以應二十四氣付天師張道陵

第二十五星宿上治別形下治因臥山

第二十六張宿上治保氣下治白石山此二生治

生午

第二十七翼宿上治五玉下治鍾茂山

第二十八軫宿上治金堂下治具山此二生治

天師所立四治

天師以漢安元年正月七日出下四治名備

治合前二十八宿也星宿治隨天主歷運設

教劫劫有受命為天師者各中明濟世度

人以至太平太平者出更加有司隨其才德

連位神仙

天師以漢安元年七月七日立四治付嗣師

以備二十八宿

第一因炁治在蘭武山應星宿

第二白石治在玄極山應張宿

第三具山治在飯陽山應翼宿

第四鍾茂治在元東山應軫宿此四治觀其

天師以太元二年正月七日立八品遊治

峨嵋治在蜀郡界青城治在蜀郡界黃金治

在蜀郡界太華治在京兆郡界慈母治在城

巾山界河邊治在上黨郡界平都治在巴郡

界吉陽治在蜀郡界

天師者嗣師子也諱魯於陽平山得尸解仙

道又立一治名系師治但嗣師治并主簿是

天師門下也又立一治今按玄都職治律第

九云代元治平都治是地遊治也是知峨嵋

治等亦是遊治

雲笈七籤卷之二十八